

հայ համայնքի նկատմամբ ցուցաբերվող հոգսարարության համար՝ նշելով, որ հայ համայնքի առկայությունը կարևոր խթան է փոխհարաբերությունների զարգացման ճանապարհին:

Հանդիպմանն անդրադարձ կատարվեց Հայաստանյայց Առաքելական Սուրբ Եկեղեցու վիճակին խորհրդային տարիներին և Հայրենիքի անկախացման շրջանին, ինչպես նաև ներկայիս գործունեությանը կրթական և ընկերային ոլորտներում:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ  
ՏԵՂԵԿԱՏՎԱԿԱՆ ՂԱՄԱԿԱՐԳ

### **ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ՄԱՍՆԱԿՑՑՑ ՈՒՂԱՓԱՌՈՒԹՅԱՆ ՄԻՋԽՈՐՀՐԳՐԱՐԱՆԱՅԻՆ ՀԱՄԱԺՈՂՈՎԻ 17-ՐԴ ՎԵՏԱԺՈՂՈՎԻ ԲԱՅՄԱՆ ԱՐԱՐՈՂՈՒԹՅԱՆԸ**

Հունիսի 28-ին Հայաստանի Հանրապետության Ազգային Ժողովում տեղի ունեցավ Ուղղափառության միջխորհրդարանային համաժողովի 17-րդ կոնֆերանսի բացման արարողությունը, որին մասնակցեց և համաժողովի մասնակիցներին իր Հայրապետական օրհնությունը բերեց Ն.Ս.Օ.Տ.Տ. Գարեգին Բ Ծայրագույն Պապրիարք և Ամենայն Հայոց Կաթողիկոսը:

Համաժողովին մասնակցում են 16 երկրների շուրջ 70 պատվիրակներ:

Մինչ բացման արարողությունը համաժողովի մասնակիցները ծաղիկներ դրեցին 1999 թ. հոկտեմբերի 27-ի ռճրագործության գոհերի հիշատակը հավերժացնող հուշակոթողին:

Այնուհետև ՀՀ ԱԺ Ոսկեգոծ դահլիճում իր աշխատանքն սկսեց 17-րդ տարեկան գլխավոր վեհաժողովը: Համաժողովի բացմանը ողջույնի և օրհնության խոսքով հանդես եկավ Ամենայն Հայոց Հայրապետը:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ  
ՏԵՂԵԿԱՏՎԱԿԱՆ ՂԱՄԱԿԱՐԳ

### **ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԳՐՈՂՆԵՐԻ ՀԱՄԱՀԱՅԿԱԿԱՆ 5-ՐԴ ՀԱՄԱԺՈՂՈՎԻ ՄԱՍՆԱԿՑՆԵՐԻՆ**

Հունիսի 28-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պապրիարք և Ամենայն Հայոց Կաթողիկոսն ընդունեց Գրողների համահայկական 5-րդ համաժողովի շուրջ 70 մասնակիցներին:

Միասնական տերմոնական աղոթքից հետո Գրողների միության նախագահ Լևոն Անանյանը Նորին Սրբությանը ներկայացրեց համաժողովի մասնակիցներին և համաժողովի օրակարգը: «Ամեն անգամ գալիս ենք ստանալու Մայր Աթոռի և Ձեր օրհնությունը, որը կարևոր նշանակություն ունի հոգևոր և գիտամշակութային կապերի համար», - նշեց Լ. Անանյանը՝ շնորհակալություն հայտնելով Վեհափառ Հայրապետին և հանուն մասնակիցների ընծայաբերելով «Արդի հայ քնարերգության» երկհատորյակը՝ ի նշան սիրո և նվիրումի հանդեպ Մայր Աթոռ Սուրբ Էջմիածինը: